

Igoro ya 'Ng'anaki...

Barry, A. L. - WHAT ABOUT? ABORTION - *Ekegusii*

Okoruusia Oborito

Omonyagitaari A. L. Barry
Omotaang'ani
Ekanisa y'Ekeluteeri y'Esinooti ya Missouri



Igoro ya 'Ng'anaki...Okoruusia Oborito?

Okoruusia Oborito Ninki?

Okoruusia Oborito nekemo ki'ebibe ebinene kegima ki'ogochora amaya gose amabe yechiingaki echi chaito. Obororo nigo bokomeentekana ekeru eng'ana eye ekoba. Nigo ere ogoteema koreengereria igoro y'eng'ana eye korwa ase oborori bw'ebirengo biechingeencho chiato. Abakristo nigo batagete bamanyigwe igoro y'okoruusia oborito korwa ase Riing'ana ria Nyasae.

Ninki Riing'ana ria Nyasae Rigoteeba igoro y'Okoruusia Oborito?

Ogochiika kwa Gataano kwa Nyasae nigo kore maiso marore; "Toita." Ase amang'ana y'Ekatekisimo Enke, engeencho yaaye neeye: "Netogweenerete komoiroka na komwaanacha Nyasae eriinde titobobeeka obogima bw'omogisaangio oito ase obokong'u gose titomoaka, koreende tomokoonye anyaaere kogeenderera ase kera okogania kw'obogima bwaaye." Nyasae nigo agotokaania titosiria obogima bw'omoonto onde, n'eri boigo nigo rintuungetie okoruusia oborito.

Boigo Riing'ana ria Nyasae nigo rigoteeba, "Ekeru konya [']ntaragoto[o]nga ase enda ya nyoko [']nakomanyete, na ekeru konya otaraiborwa [']nagwa[a]tananete; nigo nagwa[a]tananete na kogochena obe omobani bw'ebisaku." (Yeremia 1:5). Zaburi 139:16 nigo egoteeba, "Amaisio ao nigo ando[o]che ekeru nare[e]nge enche ase enda ya baaba ime, amatuko aane onsi nigo ari[i]getwe ase ebuku Yao, na akaro[o]berigwa ritaang'ani rituko ri[i]nde ritaraiika."

Okweera gw'ekanisa yaito ime y'Ekatekisimo Enke nigo gokoyebeeke eng'ana eye buya kegima ekeru egoteeba, "Baria bare mooyo na baria bataraiiborwa nigo mwanayabaanto bosio bwa Nyasae korwa baabogoretigwe oborito. Ekiagera okoruusia oborito kogosiria obogima bw'omoonto, tikori ogochoora amabe gose amaya otatiga ase engeencho y'ogotaanga ogokwa kw'omoonto onde, oyio ore

ng'ina." Ogoita omwaana otaraiborwa kenyaati, otatiga ase chiingaki chia mobasokano ekeru ebetereretie ase ogotooria obogima bwa ng'ina, n'ogokora ebibe, okwo kore mamiincha kegima y'ogwaanacha kwa Nyasae.

Inaki Ekanisa eranyaare Gokaana Okoruusia Oborito onye Gwancheire ne Richiiko aaria Amerika [gose Kenya]?

Ase engeencho richiiko riancherete eng'ana gete, tiriri koyekora ebe engeencho engiya gose embe gose endoonge. Nabo eranyaarekane okoruusia oborito kobe eyeemo y'echingeencho chi'emegweekano y'omong'uso kegima ase richiiko riancherete eng'ana gete, koreende kore ogokora ebibe kegima bosio bwa Nyasae. Richiiko nigo riancherete okoruusia oborito aaria Amerika korwa omwaka bwe 1973. Okoruusia oborito nigo gotigarete koba ogokora ebibe bosio bwa Nyasae, ebe gwaancheire gose tigwaancheiri ne richiiko ase chiamate chaito. Aseigo, "netogweenerete ko[m]ogwera Nyasae kobua mwanayabaanto" (Ogokora kw'Abatomwa 5:29). Ekanisa neganeirie kobateebia ababwaatania baaye 'ng'a okoruusia oborito nogokora ebibe na kobabeeke omokia koba Abakristo, gokorera emeremo richiiko rireo korionchora richiiko. Abakristo tibagweenereti kokoba richiiko eriinde bayaonchore amachiiko y'ense.

Ninki Gekogera Ekanisa Egweesoyia ase Okweenachera Ekiina kwa beene kw'omoonto?

Okweenachera ekiina kwa beene kw'omoonto tikobetereretie koba okwa bobisi. Ekanisa amo n'abariisia baaye, ase okobua gwoonsi, 'mbaeire okobua na Nyasae goku[u]rera, gotogonyera, na gosorora korwa ase Riing'ana ria Nyasae (2 Timoteo 4:2). Ekanisa nigo egoichaana kegima ekeru Abakristo bakonacha ebiina bire mamiincha ye Riing'ana ria Nyasae na aseigo besiekera abanyene isiko y'ogwaanacha kwa Nyasae. Komenya ime y'ekebe getari kwangaameka, nenchera

Igoro ya 'Ng'anaki...Okorusia Oborito?

embe kegima. Aseigo, ekanisa nebetereirie kobakuurera ababwaatania baaye igoro y'ogoteemwa gw'okorusia oborito. Boigo ekanisa nebetereirie kobaraandera baria baruusirie oborito. Komeenta ayio, ekanisa neganeirie gokiang'a ekebe gi'okorusia oborito, ekiagera gekoorokigwa koba keria giancheire kegima ase chingeencho chiaito.

Inee, kera Engaki Ekanisa y'Egekristo yabeire Egokaana Okorusia Oborito?

Okorusia oborito nigo kwareenge eng'ana enarire ase obogaambi bwa kare bw'Ekeruumi. Ekeene 'ng'a Omwaana o Nyasae nabogoretigwe oborito ase enda ya Mariamu nigo yareenge engeencho enene kegima ase Abakristo gotwaara esiko enene kegima igoro y'obogima bwoonsi bwa mwanyabaanto. Konya ataraiborwa, Kristo tareenge rioondi ri'obomooyo (a blob of cells) koreende ekeene nigo areenge Omwaana o Nyasae, oyio oimogetie omobere bw'ekemwanyabaanto eriinde abatoorie na ababoorie mwanyabaanto korwa ase ebibe biabo. Abariiki b'ekanisa y'eritaang'ani nigo bakoorkia maiso marore 'ng'a okorusia oborito nigo kwareenge okogeechia ase Abakristo b'eritaang'ani. Abakristo abwo 'mbamanyete ebireengererio biabo igoro y'enywoomo, y'abakuungu n'eyeamate [koba] eyabeene. Omotang'ani oyoomo bw'ekanisa nigo aenegetie maiso marore iga, "Omwatananeko bw'okwooboyia kegima gati ya keria giatoongirwe na keria getaratoongwa toiyo ase tore. Onde bweensi orarusie oborito kenyaati naegwe egesusuro ki'ogoita mwanyabaanto." Korwa kare, Ekanisa y'Egekristo yabeire egokaana okorusia oborito, ase okoborora koba ogoita kw'ebing'weerere (infanticide) na koba ogoita kwa mwanyabaanto (homicide).

Ninki Gekogera Chikanisa Chiinde Chikweebererekaberereka igoro y'Okorusia Oborito?

Okorusia oborito neng'ana y'okobookia obororo naende ere y'okwooboyia kegima ase abaanto

abaange. Nigo ere aorooro ekanisa kweebererekaberereka na gotakaana okorusia oborito maiso marore. Noonya ere boigo, emegaanda ye chikanisa echio chirigetie koba naende chirigetie gotigara koyeegeena Amariiko Amachenu tekonyaara kogeenderera gokira koreende goika ebetererigwe koenekia maiso marore 'ng'a okorusia oborito kenyaati nogokora ebibe. Ebiombe ebinene ebiinge bi'echitiini echio chitari gwaanchereria, ebio bikoremereria ogoteegeena na ogosiereria ase chikanisa chiabo amoorokererio amaange y'Ebibilia, boigo nigo bikoremereria naende biaegera okorusia oborito. Ara aange, Abaluteeri b'Esinoti ya Missouri nigo bagotantanigwa ekeri bakoigwa 'ng'a chikanisa chiinde chi'Ekeluteeri tichiteneini boroonge gokaana okorusia oborito. Nigo ere buya kegima intwe koenekia 'ng'a ekanisa yaito teitabeti oborori bw'ebiombe ebio [bi'echikanisa] bitari gokaana maiso marore ebibe bi'okorusia oborito.

Inee, Okorusia Oborito Bobogorie ase Ogotarerwa (rape) gose ase Okomanyana kwa Abaanto b'Amanyiinga Ayaamo (incest) 'Ngwancheire?

Noonya okoamererania kw'obororo bw'okorusia oborito bobogorie goetera chiinchera echi [ibere] gokororekana koba okobetereretie, ekeene 'nkeria 'ng'a 'mbobe gosiria obogima bw'omoonto otari na kebe (omwaana otaraiborwa), na komeenta ayio, komotweeka ng'ina chigurube echi chi'okwooboyia. Ekeene, nigo ere chiseemi chi'obomanyi bw'okoreengereria (logic) bw'ogokumia obwo bokogera tomoite omwaana ekeng'weerere otari na komocha otaraiborwa ase engeencho y'ebibe bia ise.

Ninki Toranyaare Kobakorera Abaanto Baroobertie Korusia Oborito?

Nigo kere ekebe ase abaibori kobasemia abaana baabo baruusie oborito. Oko tikori obosibore bw'ogochora ase abaibori Abakristo. Oborito botarobeirie nigo bokoreenta obosooku ase boonsi

Igoro ya 'Ng'anaki...Okoruusia Oborito?

baria botuungeti na okoruusia oborito nabo koranyaare kororekana koba enchera ya "bwaango na ya bobisi" y'ogotigana n'obokong'u obwo koreende teri boigo. Nigo gokomeenta ekebe giatiekire gokorekana ase ogochoora koonde gw'ekebe.

Nemogweenerete omoiseke gose omokuungu oroberetie koruusua oborito abe n'obosibore bw'ogochora komorera omwaana oye gose komorwa gochia ase abaibori batagete komorera omwaana buna oyoobo (adoption). Komorwa [omwaana] gochia ase abaibori batagete komorera omwaana buna oyoobo nogochoora okuya kegima, [ekiagera] nigo gokomoa omwaana oyio otareenge goocha korerwa buya anyoore obwaanchani n'oboreendi atagete ase enka eranyaare komorera. Abariisia baito, 'mbamanyete ebiombe ao ao ebio bigokora emeremo y'abaibori batagete komorera omwaana buna oyoobo.

Inaki Ekanisa Eranyaare Kobaraandera Baria Baruusirie Oborito?

Riitang'ani, omoiseke gose omokuungu oruusirie oborito nabo aranyaare kweigwa 'ng'a obeire omosibore korwa ase "obokong'u" bwaaye. Omokiare oye, omosaani oye, gose omosaacha oye, nabo neere aranyaare kweigwa 'ng'a "obeire omosibore." [Ayio] nabo arakorekane obwaango obwo, gose nyuma y'emiaka, ekeru baraache korora 'ng'a Ninki baakorete ekeene: bakabosiria obogima bw'omwaana obo otaraiborwa. 'Ngaki ende obomanyi obo nigo boraache ekeru bageenderete koriigwa Riing'ana ria Nyasae rikweerwa boroonge kegima igoro y'eng'ana eye. Richiiko ria Nyasae riabamaanoreire ebibe biabo na as'obororo oboonge baarorire okomocha kwaabo, na baachaakire gokumia 'ng'a Ninki baranyaare gokora igoro ya [okoruusia oborito] gose onye goseemeria koonde koreo.

Omoiseke gose omokuungu orusiirie oborito nigo aganetie koigwa 'ng'a amanyiinga a Yeso Kristo nigo aitegete

boigo ase engeencho y'ebibe [koba] ebi, naende 'ng'a boono, as'are Ere naare n'okwaaberwa gwoonsi na kwa bosa. Obamaene oboikeranu (assurance) obo 'mboganetie koruegwa rioka; 'ng'a, ase Yeso Kristo, okwaaberwa 'nkoreo – okwaaberwa ogoikeranu na gwoonsi. Naboigo ekanisa egweenerete kobaraandera buya kegima baria bageenderete koigwa chigurube chi'ebibe bi'okoruusia oborito, ase okoboorokia omosalaba bw'Omonene obo Yeso Kristo kera engaki na kobaenekeria okwaaberwa kw'ebibe bionsi na kwa bosa okwo amobuerete kera oyomo [igoro ase omosalaba].

Nigo ere buya 'ng'a abaanto abwo beiterie ebibe biabo bageenderere koba aang'e n'Omonene obo ase enchera y'okogeenda ekanisa kw'obwegeenwa ase barageenderere koigwa Enchiiri ekoraandigwa na ase barasaange Endaagera y'Omonene kera engaki. Okoangaama kwa bobisi n'okorarerigwa okwaaberwa kw'ebibe n'omoriisia obo n'enchera ende ere n'okobua kegima [goetera] ase eyio Nyasae akorwa obuya Bwaaye, okwaaberwa Kwaaye na omoreembe Oye ase omoonto oyio bweiguure koba omonyene ebibe ase engeencho y'ebibe bi'okoruusia oborito. Obuya n'obwaanchani bwa Nyasae nigo bire nechuinguru kobua oboreu boonde bwoonsi bw'ekemwanyabaanto n'amanyiinga a Yeso Kristo nigo agotosibia ebibe biaito bionsi (1 Yoh. 1:7). Ekeene aya naro Amang'ana Amaya na goika abanyene ebibe banyaare naende basaange amang'ana ayio.

Nabo oranyaare gotoriikera goetera ase:

**LUTHERAN HERITAGE FOUNDATION AFRICA
P.O. Box 521, 00502**

KAREN, NAIROBI.

Omonyagitaari A. L. Barry

Omotaang'ani

Ekanisa y'Ekeluteeri y'Esinooti ya Missouri